

Søknad om støtte til utekonsert med Vinskvetten i Parken på Dale

DaleMusikk

Dale Musikk hadde planlagt ein utekonsert med Vinskvetten i Parken i Holhovden under fjorårets Daledagar i juni 2020. Men pga koronapandemien vart Daledagane avlyst, og Dale Musikk måtte også avlysa sitt arrangement.

Etter mykje planlegging og førebuingar til konserten i juni 2020, var det med tungt hjarta me avlyste. Både arrangøren og publikum hadde sett fram til ein flott konsert for folk i alle aldrar frå den spesielle utescena i Parken på Dale.

Avtalen med Vinskvetten vart forskyvd i eitt år, til Daledagane 2021, laurdag 5. juni. Det er no bestemt at Daledagane 2021 er avlyst. Dette arrangementet ville ha sikra stor publikumsinteresse til vår konsert. Dale Musikk ønskjer å holda konserten i år sjølv om Daledagane er avlyst - for me trur folk treng eit slikt kulturarrangement i ei utfordrande tid.

Uten folkefesten Daledagane er publikumspotensialet mykje mindre, og det er også usikkert kva restriksjonar som vil gjelda i juni.

Dale Musikk

Dale Musikk er ein ung organisasjon, som berre rakk å arrangera nokre få konsertar før koronapandemien sette ein stoppar for det meste. Men dette gav meirsmak, ikkje minst tilbakemeldingane om at slike konsertar og arrangement var svært kjærkomne i lokalmiljøet.

På Dale Musikk sine arrangement prøver me, der det er mogleg, å nytta lokale aktørar når det gjeld lyd og lys ol. Me prøver også å løfta fram lokale musikkaktørar som oppvarmingsartistar, saman med meir kjende artistar/band.

Utfordringar

Det er fleire utfordringar med konserten 5. juni 2021, som gjer at Dale Musikk er heilt avhengig av å skaffa seg ein økonomisk tryggleik for å gå vidare med planlegginga:

- Ein veit ikkje kva restriksjonar som gjeld for konsertar og kulturarrangement på gjeldande dato, til dømes makstal på kor mange ein kan ha på ein konsert. Dette kan verta avklart kun kort tid før konserten.
- Daledagane er ein folkefest som dreg mykje publikum til bygda. Økonomien i samband med denne konserten er i stor grad bygd rund at ein skal få tiltrekkja seg eit større publikum enn vanleg i ei lita bygd. I og med at Daledagane no er bestemt avlyste, vil publikumspotensialet vera vesentleg lågare.

- Konsertar med kjende artister og band i ei lita bygd som Dale, er avhengige av sponsorar og økonomiske støttespelarar ut over reint billettsal. Koronapandemien har råka næringslivet hardt, og dei fleste bedrifter som ein normalt ville kunna fått sponsormidlar frå har utfordrande tider økonomisk. Det er difor grunn til å tru at det ikkje vil vera mogleg å få sponsormidlar som i ein normalsituasjon.

- Koronapandemien gjer at folk er usikre på kva dei kan delta på og kva som er lurt i forhold til å oppsøkje folkemengder. Sjølv om til dømes restriksjonar for ein slik utekonsert i Parken kan vera oppheva, veit ein ikkje i kva grad folk "tør" gå på konsertar som før.

- Som ein frivillig organisasjon fell Dale Musikk utanfor Kulturrådet si kompensasjonsordning for kulturarrangement.

Alt dette gjer at den økonomiske risikoen er stor, og Dale Musikk håpar difor på tilskot frå kompensasjonsordninga slik at Dale Musikk kan våga å arrangera konserten.

Om kort tid må Dale Musikk ta stilling til om ein kan ta den økonomiske risikoen med å gjennomføra konserten. Me håpar difor på ei rask avklaring på denne søknaden.

Søknad om støtte

Dale Musikk har søkt om støtte frå andre aktørar, mellom anna frå Sparebanken Vest sitt koronafond.

Arrangementet har eit budsjett med kostnader på 155.000 kroner.

Dale Musikk søker om 50.000 i koronamidlar i støtte til konsert 5. juni. Dette utgjer om lag 30 % av budsjetterte utgifter.

Eit eventuelt overskot frå konserten vil gå til nye musikk- og kulturarrangement i regi av Dale Musikk.

Venleg helsing
for Dale Musikk,

Stian Jordalen
e-post: stian@daletrafikkcenter.no
Mob: 911 79 745